


# KEREKE YE E

## FORILWEGO, KE LEFASE

 Jesu Kriste, Morwa wa Gagwe, gomme o re file dilo ka moka mahala ka go Kriste. Re Go leboge, Morena, ka mengetla yeo re e fiwa ke Sehlabelo se segolo se sa godimo seo Jesu a re filego sona Khalibari, gore se re boelantše morago ka kopanelong le go ratwa ke Wena, gore re be le khomotšo ye ya go tseba gore go ngwadilwe, “Ge le dula ka go Nna, le Mantšu a Ka ka go lena, le ka kgopela se le se ratago, gomme le tla se direlwa.” Bjale, re leboga se, gomme re a rapela gore O tla re fa tumelo go dumela le ka moka tše di lego go rena.

<sup>2</sup> Bjale a nke re beeleng ka thoko, Morena, maitapišo a mangwe le a mangwe a letšatši, tlhokomelo ye nngwe le ye nngwe ya bophelo bjo, tsela ka moka go tloga go mohlokamedi go ya go modiša, gore go seke gwa ba le selo ka megopolong ya rena bjale, eupša re letele, re theeditše ka tlhomphekolo Moya wo Mokgethwa gore o bolele le rena, gore re kgone go fihlelela selo se sengwe se sebotse, go Go tseba bokaonekaone, ka go kgobokana ga rena mmogo. Ka gore, Morena, ka therešo ke ka lebaka leo re tlilego letšatšing le la go fiša. Bolela le rena ka Lentšu la Gago la go phela, gomme a nke Lentšu la go phela le dule ka go rena gomme le phele ka go rena, gore re kgolokwe gomme re bopiwe, e sego go lefase, eupša re fetolelwe ka go mpshafatšwa ga moya, ka lebopong la Morwa wa Modimo. Oo, dipelo tša rena di a roromela ge re nagana, gomme thabo e apeša disoulo tša rena, go tseba gore re ka kgona go bitšwa barwa le barwedi ba Modimo. Re eme morumong wa go Tla ga Gagwe la bobedi, gomme ka moka ditšhaba le mebušo e tlhakgasela ka fase ga maoto a rena, ka moka dilo tša lefase di a nyamalala, eupša re a tseba gore letšatši le lengwe O tla tla gomme a re tšeela Mmušong fao go ka se tsogilego gwa ba le mafelelo, goba, o ka se tsogego o šišintšwe. Gomme go nagana gore rena bjale re—re maloko a Mmušo woo! O Modimo, bolotša pelo tša rena le ditsebe lehono, ka—ka Moya wo Mokgethwa, ka tlhatso ya meetse a Lentšu. Ka gore re se kgopela Leineng la Gagwe le letagong la Gagwe. Amen.

<sup>3</sup> Ke nyaka go batamela thuto mosong wo. Ka gore, ke be ke eya go bolela ka selo se sengwe sa go fapana gannyane ge go be go eya go ba le tirelo ya phodišo, eupša re begile gore dikarata tša thapelo di fiwe ka ya seswai, go fihla ka masometharo go tšwa go seswai goba ka iri ya senyane. Gomme ke no. . . Billy o tlile godimo ntlong metsotso e se mekae ya go feta gomme a re fao go be go se le yo motee fa, ka fao ga se a fa dikarata tša

thapelo. Ka fao re . . . Ke gopotše go tšea hlogo ye, go phošolla kereke. Gomme ke nyaka go bolela ka thuto ya: *Kereke Ye E Forilwego, Ke Lefase*. Ke nyaka go bala tše dingwe bjale go tšwa go Puku ya Baahlodi, tema ya 16, go thoma go temana ya 10.

*Gomme Delila a re go Simisone, Bona, o nkwerile, gomme o mpoditše maaka: bjale mpotše, ke a go rapela, fao gore o ka tlengwa ka eng sa maatlamaatlamaatla.*

*Gomme a re go yena, Ge o ka ntlema ka dithapo tše mpsha tšeo di sego tša ke di šoma, gona ke tla ba wa go fokola, gomme ka no ba bjalo ka monna yo mongwe le yo mongwe.*

*Delila ka fao a tšea dithapo tše mpsha gomme a mo tlema ka tšona, gomme a re, Bafilisita ba godimo ga gago, Simisone. Gomme fao go be go le balaledi ba letetše ba mo laletše ka kamoreng. Gomme a di kgaola go tloga matsogong a gagwe bjalo ka ditlhale.*

*Gomme Delila a re go Simisone, Go fihla fa o nkwerile, gomme o mpoditše maaka, mpotše fao o ka tlengwago gona ka maatlamaatlamaatla. Gomme a re go yena, Ge o ka loga . . . mephotho ye e šupago ya hlogo ya ka, ka lemapo.*

*Gomme a o tlemelela go diphini, gomme a re go yena, Bafilisita ba godimo ga gago, Simisone. Gomme a tsoga borokong bja gagwe, gomme a tloga le diphini tše dikokwane, ka lemapo.*

*Gomme a re go yena, O ka bolela bjang gore, ke a go rata, mola ka gare ga pelo ya gago e se na le nna? o nkwerile makga a mararo a, gomme ga . . . o mpotše fao maatla a gago a magolo a robetšego; gomme ga wa mpotša fao maatla a gago a magolo a robetšego.*

*Gomme gwa tla go phethega, ge a mo phegelela letšatši le letšatši ka mantšu a gagwe, gomme a mo hlokiša khutšo, go fihla ge soulo ya gagwe e lapile wa go iša lehung;*

*Gomme a mmotša pelo ya gagwe ka moka, gomme a re go yena, Fao ga se gwa ke gwa tla legare godimo ga hlogo ya ka; ka gore ke Monasare wa Modimo go tloga popelong ya mme wa ka: ge nka šefiwa, gona maatla a ka a tla tloga go nna, gomme ke tla fokola, gomme ke ba bjalo ka motho yo mongwe.*

*Gomme ge Delila a bone gore o mmoditše pelo ya gagwe ka moka, a romela gomme a bitša . . . dikgošana tša Bafilisita, a re, Tlang ka pela, ka gore o ntaeditše ka moka pelo ya gagwe. Gomme dikgošana tša Bafilisita tša tla go yena, gomme tša nyaka tšhelete ka gare, goba tša tliša tšhelete ka gare ga seatla sa gagwe.*

*Gomme a mo dira gore a robale matolong a gagwe; gomme a bitša monna, gomme a mo dira a šefe go tloša mephotho ye e šupago ya hlogo ya gagwe; gomme... thoma go mo fokodiša, gomme maatla a gagwe a tloga go yena.*

*Gomme a re, Bafilisita ba godimo ga gago, Simisone. Gomme a tsoga borokong bja gagwe, gomme a re, ke tla ya ka ntle bjalo ka dinako tše dingwe pele, gomme ka itšhišinyana ka bonna. Gomme o be a sa tsebe gore MORENA o be a mo tlogetše.*

<sup>4</sup> Bjale ke nyaka go bala, hlogotaba ya thuto ye, e hwetšwa ka kua ka Pukung ya Kutollo, tema ya 2, go thoma ka ya 21 le ya 23 ditemana.

*Gomme ke mo file sebaka gore a sokologe mabofefeng a gagwe; gomme ga se a sokologa.*

*Bona, ke tla mo lahlela mpeteng, le bao ba dirago bootswa le yena ka ditlaišegong tše kgolo, ge e se ge ba sokologa medirong ya bona.*

*Gomme Ke tla bolaya bana ba gagwe ka lehu; gomme ka moka dikereke di tla tseba gore Ke nna yo a fenyekago pshio le dipelo: gomme Ke tla fa yo mongwe le yo mongwe wa lena go ya ka mediro ya lena.*

A nke Morena a oketše ditšhegofatšo tša Gagwe go balweng ga Lentšu la Gagwe.

<sup>5</sup> Simisone, karolo ye kgolo bjalo ka kereke, o thomile go tloga gabotse. O thomile go tloga go ya lehlakoreng la maleba. O thomile go tloga, gomme o be a bitšwa monna yo maatla wa bogale. O thometše ntle, a direla Morena, ka go boloka Mantšu a Gagwe le go dira Melao ya Gagwe. Gomme seo se be ka mokgwa wo mongwe se le go swana le kereke. E thomile go tloga godimo, bjalo ka ge re bolela, bjalo ka seema sa bofefase, e thomile ka leoto la gabotse. E thomile go boloka Melao ya Morena. Gomme ge feela Simisone a be a latela Morena, Morena o ile a šomiša Simisone.

<sup>6</sup> Ka gore, Modimo a ka kgona go boloka mang kapa mang le go šomiša mang kapa mang yo a ka latelago ka morago ga Gagwe, ka gore ke morero wa Modimo. Eupša ge re retologa ka thoko, go tloga go tšwa go dilo tša Modimo, gona Modimo a ka se kgone go re šomiša botelele gape. Ge re ka sepela ntle le go šišinyega ka morago ga Melao ya Modimo, ge re ka dula ka matlakaleng a Beibele gomme ra direla ka Lentšu le le ngwadilwego, ra Mo direla ka Moya le ka Therešo ya Lentšu, gona Modimo a ka kgona go šomiša motho yo motee yo a itšego. Eupša ge ba tšea kwišišo ya go retologela ka thoko ka morago ga selo se sengwe gape, gona Modimo a ka se kgone go šomiša motho yoo botelele gape.

7 Ka fao, Simisone o dira ke—kemedi ye e ikgethilego kudukudukudu ya kereke lehono. Ge kereke e thoma, Modimo o be a kgona go šomiša kereke, ka gore kereke e be e sepela ka tlhokomelo ka morago ga Melao ya Morena, e boloka ka moka dikahlolo tša Gagwe le ditaello tša Gagwe, gomme e dira ka moka Melao ya Gagwe. Gomme Modimo o be a na le kereke. Eupša go bonala o ka re fao go na le lefelo le le itšego le le fokolago magareng ga kereke.

8 Elelwang, ga re phikiniking, eupša re lebaleng la ntwā. Batho ba bantši ba no nagana gore ge ba eba Mokriste seo ke ka moka se ba nyakago go se dira, gore seo se a e rarolla go ya go ile, bjalo ka ge ba le Mokriste gomme selo se sengwe le se sengwe se ya go tla ga bonolo. O seke wa be wa ba le seo ka hlogong ya gago. Ka gore, ke ba Mokriste gore ke lwe, ke lwe ntwā ye botse ya tumelo. Ke ba Mokriste, gore ke ye methalong ya ntwā. Ke rena mašole a Bokriste, gomme re swanetše re hlahlwiwe gomme re tlišwe godimo, gomme re tsebe ka moka meragelo ya lenaba, re tseba mokgwa wa go itlhama, re tseba mokgwa wa go—go lwa ntwā. Gomme re ka kgona feela go dira seo ge Moya wo Mokgethwa o se utolla go rena. Re ka se kgone go tšea seo setšhaba se sengwe se re botšago sona ge re eya ntweng, tše dingwe tša dikgopolo tša bona. Eupša re swanetše go tšea dikgopolo tša rena beng, tsela ye Moya wo Mokgethwa o tla re hlahlago, le dikgopolo tše O tla re fago tšona, ka gore Ke Mmusi Molaodi wa madira a Bakriste.

9 Simisone o dirile gabotse, e be e le monna yo mogolo go fihla ge a thoma go, a thoma mokgwa (re ka o bitša) wa go seleka go dikologa, go fihla ge a thoma go tloga lefelong la gagwe mong. Gomme kereke e kitimile gabotse, gomme e be e le gabotse go fihla ge ba thoma go lefelong la bona. Simisone o thoma go gerema. Gomme o be a sa gereme le basetsana ba Baisiraele, o thoma go gerema le basetsana ba Bafilisita.

10 Gomme seo ka mokgwa wo mongwe se swana le se kereke e se dirilego. Ga se ya ke ya thoma go dira lerato le ba yona, e fapogetše ka morago ga ba go se dumele gomme ya thoma go gerema le ba ba sa dumelego. Fao ke mo re dirilego ya rena ye kgolo, e tee ya diphošo tše kgolokgolokgolo, ke ge kereke e thoma go dira dilo tšeo di bego di se gabotse. Ya thoma go boloka, bjalo ka Simisone, sehlopha se sebe.

11 Simisone, ge feela a be a le sehlopheng sa batho ba Morena, o be a dira ka moka gabotse. Eupša ge a eya go gerema le sehlopha se sebe, ka gona a tsena bothateng.

12 Gomme yeo ke ka tsela ye e lego ka gona le kereke. Ge kereke e be e latela ka tlhomphokgolo gomme letšatši ka letšatši ka morago ga tlhahlo ya Moya wo Mokgethwa, Modimo o be a ba šegofatša, gomme mehlolo le maswao le dimaka di be di latela kereke. Eupša ge e thoma go boloka sehlopha se sebe, le lefase! Ye nngwe ya dilo tše mpempempe e di dirilego,

gomme dilo tša pele e di dirilego, e thoma go ikaga, e roba kopanelo magareng ga badumedi ba bangwe, ka baka la gore ba hweditše gore ditšhaba di be di ikagile. Eupša Ebangedi ye kgolo ye ga se ya gafelwa go setšhaba se setee goba batho ba batee. E gafetšwe go “mang kapa mang yo a ratago, a a tle,” ka moka ditšhaba, mehuta, maleme, le batho. Modimo ga se a ke a ikemišetša gore rena re thale methaladi ya mellwane.

<sup>13</sup> Eupša batho ba be ba nyaka go swana le, ba bapetša, goba go kopišetša, go ya go swana le—le ka fao lefase le dirago, ba bolela dilo tšeo ba di dirago, ba dira katlego ka tsela yeo ba bego ba le katlego ka gona. Re ka se kgone ra tsoge ra ba katlego re dira se sengwe ka tsela yeo lefase le dirago. Re ka kgona feela go ba katlego ge re latela ka morago ga ditaello tša Modimo le tsela ya Gagwe ya go dira dilo. Re ka se tsoge ra ba, ka go ekiša ka morago ga lefase. Ge khamphane ya sekerete e kopana le katlego ya bona ye kgolokgolo ka thelebišene, gomme mašaba a bjala le wisiki ba dirile katlego ya bona ka thušo ya thelebišene, leo ga se leswao la gore kereke e tla dira katlego ya yona ka thelebišene. Katlego ya kereke e robotše ka go rereng Ebangedi, ya Maatla a Modimo, le go dira ga Moya. Re ka se kgone go bolela gore ka baka la gore thelebišene e dirile *sa mohuta-le-sa-mohuta* wo go khamphane ya sekerete le—le dikhamphane tše dingwe! Ga re na le Lengwalo le le itšego go leka go bapetša le bona batho. Gomme ge feela re dira, re ka no goga dipalo tše kgolo tša batho, eupša seo ga se se Modimo a re beetšego gore re se dire. Re nagana gore ka baka la gore ka moka re mebala, re fofa godimo, mekgatlo ye megolo, e dira tše kgolo tša go tlala mebala go direga, gore seo ke katlego. Re hwa letšatši ka letšatši godimo ga maoto a rena, go bolela ka semoya! Ge re be re eme dimilione tše lesome go tia mosong wo, gomme Moya wo Mokgethwa o be o se na le rena, re dira gabotse go ema lesome go tia le Moya wo Mokgethwa o na le rena. Re ka se kgone go ipapetša le lefase.

<sup>14</sup> Gomme se setee sa dilo tša mathomo, e bile, kereke e ile ya thoma go ikaga ka boyona. Mekgatlo wa mathomo e bile kereke ya Katoliki, gomme ka gona gwa tla kereke ya Luther. Ge ba ikaga ka kerekeng ya Katoliki go e dira mekgatlo, letšatši le lengwe go ile gwa ba le kgoeletšo, “Bafilisita ba godimo ga gago, Simisone,” gomme Simisone a kgaola dithapo tša ditlemo tša kereke ya Katoliki, gomme Martin Luther a tla pele ka mekgatlo.

<sup>15</sup> Gomme ba tleme kereke ka thapo ye nngwe, bjalo ka ge Delila a dirile. Gomme ba thoma . . . go na le gore ba be le monna yo a biditšwego ke Modimo, monna yo a biditšwego ke Moya wo Mokgethwa; mohlomongwe bao ba bego ba sa tsebe ABC tša bona, eupša bao ba bego ba tseba Kriste. Gomme kereke ya thoma go ba ya setaele, le go ekiša ka morago ga diboledi tša dipolotiki. Gomme ba swanelwa ke go fa bareri ba bona “grata ya bongaka,” yo mongwe le yo mongwe a swanelwa ke go ba

Ngaka ya Bokgethwa. Yeo e be e le thapo ye nngwe ya go tlema kereke. Banna ba tloga gomme ba ithuta, seminari se sengwe le se sengwe se leka go tšweleletša moithuti yo mokaonekaone gore dikereke tša bona di kgone go ikgantšha, “Modiša wa rena ke Ngaka ya Bokgethwa.” Gomme ba dirile eng? Yo motee o leka go ba le tsebo ye ntši go feta yo mongwe. Go lokile, seo ga se re selo se se itšego sefahlegong sa Modimo.

<sup>16</sup> Gomme ga go na le bohlokwa bja gore monna mang kapa mang a leke go tšea tsebo ya gagwe ya sefefase gomme a ke a thabiše Modimo ka yona. Ke makgapha sefahlegong sa Modimo! O ka se tsoge wa thabiša Modimo ka ditumo tša sefefase le tsebo, ka baka la gore ke “bonaba go Modimo,” go rialo Lengwalo. A ka se kgone go e dira.

<sup>17</sup> Gomme yo mongwe le yo mongwe o leka go ba le tsebo ka moka. Ba no tseba se ba ka se dirago le mantšu a ba ka a boelago, gomme e ba feela polelo ya sepolotiki go na le gore e be wo o bonagatšago maatla, Molaetša wa Moya wo Mokgethwa wo o subelago pelong ya monna gomme wa hwetša dibe tša gagwe. Ba hlahletšwe polelo ya sepolotiki, gomme ga re nyake seo. Paulo o rile, “Lentšu le tla go rena, e sego feela . . . goba, Ebangedi, ka Lentšu feela, eupša ka Maatla le ponagatšo ya Moya wo Mokgethwa.” Yeo e tlišitšego Ebangedi, e tšweletšong ya maatla a Moya wo Mokgethwa! Eupša ka moka banna ba ba a tloga go ya disiminareng gomme ba ithuta tše kgolo, ka fao ba swanetšego go ema pele ga batho, ka fao ba swanetšego go itšweletša, ka fao ba swanetšego go apara le ka fao ba swanetšego go dira, ga ba swanela go šomiša kerama ya go fošagala. Bjale, seo ka moka se lokile go polelo ya sepolotiki, eupša ga re ka morago ga mantšu a go tswikinya a monna. Paulo o rile, “Ebangedi ye ke e rerago ga se ya tla ka mokgwa woo, eupša E tla ka mpshafatšo ya—ya Moya wo Mokgethwa le Maatla a diponagatšo.” Ga etle ka go ba le polelo ye kaone, yeo bohlale bja gago bo ka bago, goba tshepo ya gago e ka bang ka bohlaeng bja monna. Eupša e tla ka diponagatšo tša Maatla a Kriste yo a tsogilego. Yeo ke Ebangedi, “Go Mo tseba ka Maatla a tsogo ya Gagwe.”

<sup>18</sup> Yo mongwe le yo mongwe o leka go nagana gore ke yo mokaonekaone gannyane go feta monna yo mongwe, kereke ye nngwe le ye nngwe ya leina. Mamethodist ba tla re, “Re na le na le monna yo mokaonekaone.” Mabaptist ba tla re, le kereke ya Kriste, le go ya pele, ka moka ba, “Rena, ke ba bakaonekaonekaone. Re, ba rena—ba rena batho, ga re no dumelela monna wa go tlwaelega go ya ka ntle go rera Ebangedi.” Eupša ba ba topa ka seatla. (O Modimo, e ba le mogau!) Ba ba topa ka seatla; ge ba na le-lengwalo ka thuto ye e itšego, gona ba ba bea ka kerekeng. Modimo a se kgone go mo kgwatha ka tsela ye nngwe. Ke nyaka yo mongwe gore

a ntherele yo a topilwego ka seatla ke Moya wo Mokgethwa, Modimo a mo tsošitše, e sego a topilwe ke monna goba dikereke tša maina.

<sup>19</sup> Tsebo ka moka! Ba re, “Oo, re tseba ka moka ka Wona,” gomme ba bangwe ba bona ga ba tsebe maletere a mathomo a Moya wo Mokgethwa. Ba a O gana.

<sup>20</sup> E nkgopotša puku ye nnyane ye ke e badilego letšatši le lengwe ka California, e ka ba mengwaga ye lesome ya go feta. Ke e topile ka lebenkeleng la dipuku la kgale. Ke lebetše gore mongwadi e be e le mang. E be e no ba puku ye nnyane ya disente tše lesome, eupša e be e na le kgopolo ye e itšego ye botse go yona le ge e be e bonagala e na le metlae le mahlašana. Eupša, ke hweditše selo se sengwe ka kua se se bego se kwagala bjalo ka Modimo, go nna. Gomme se sengwe sa ditori tše nnyane se be se thoma ka mokgwa wo. Mosong wo mongwe ka okong ya dikgogo, fao go be go na le mogogonope wo monnyane wo o bego o gopola gore o be o na le tsebo ka moka yeo e bego e le fao go tsebja. Ka fao o ile wa fofela godimo ga lepokisi gomme wa itia molomo wa wona wo monnyane kgahlano le lepokise, makga a mane goba a mahllano, wa lahlela morago hlogo ye nnyane gomme wa lla bjalo ka ge e ke ga se wa ke wa kwa mokoko o lla. Gomme tše dingwe, wa goga šedi ya tšona, gomme wa re, “Bahumagadi le bakgomana ba oko ye ya dikgogo, ke rata go bolela le lena ka moka mosong wo ka lenaneo le le itšego le legolo la thuto leo re sa tšwago go le hlama.” Wa re, “Ke nyakile tsebo ye ntši kudu ka dithutong tša ka,” ge o gogela digalase tše nnyane tša wona bokagodimo ga molomo wa wona. Gomme wa re, “Ke tšere sephetho sa gore rena dikgogo re ka kgona go ikaonafatša ka borena ka tsebo ye e oketšegilego. Ka fao, nka kgona go le botša gore kae, ge re ka epa gomme ra šoma ka okong goba molete wo o itšego, re tla hwetša fitamine ye e itšego ye e tla re dirago gore re mele a makaonekaone, a mabotsebotse mafofa. Gomme, oo, nka kgona go le botša ka fao re ka ikaonafatšago ka borena ka ditsela tše ntši tša go fapana.”

<sup>21</sup> Gomme dithojana tše nnyane ka matlopo a mannyane a mahubedu a tšona, di ile tša no kekeretša gomme tša re, “A ga se morategi?” Gomme di o kganyoga ka nnete. “Oo, ke mogogonope wa bohlale kudu!” E nkgopotša ba bangwe ba bareri ba ba seminare. “Monna yo bohlale kudu! Ga go na le bohlokwa go rena gore re hlwe re dutše le dikgogo tše dingwe, ka moka re swanetše go sepela le wona.”

<sup>22</sup> Go lokile, pele mothaka yo monnyane a ka fetša ka polelo ya gagwe, fao go be go le kgogo ye nngwe ye nnyane yeo e bego e se na le mafofa ao a go phadima, ya tla e kitima go tšwa go dikgogo ka moka ka jarateng, gomme ya re, “Bašemane, motsotso feela! Ke sa tšwa go kwa ditaba tša bjalebjalebale



seyalemoyeng. Dikgogo di ile godimo ka disente tše nne godimo ga ponto, re ya go bolaiwa gosasa! Ke botse bofe bjo tsebo ya lena e yago go bo dira?”

<sup>23</sup> Ngwanešu, ka moka tsebo ye re ka kgonago go e kgoboketša, ke botse bofe e bo dirago? Ke rena tšhila ya dikgato tše tshela! Ka moka re a hwa ka diintšhese le ka metsotso. Tsebo ya rena ga e re selo. Re nyaka go tseba Yena. Eupša ba dira seo.

<sup>24</sup> Bjalo ka ge ke be ke swaya nakong ya go feta ka thaga ye e itšego ye nnyane, gomme e be e gopola gore e be e tseba ka moka tsebo yeo—yeo e bego e nyaka go tsebja, gomme e be e tseba kudu fao e lego gore e be e kgona go botša ka moka dithaga ka batho. Ka fao e fofela godimo ka sehlageng sa yona gomme e thoma go bolela ka motho, ka fao e tsebilego ka moka ka bona. Gomme, ka moka ka pela, phorofesa go tšwa Purdue a sepelela godimo gomme a thoma go bolela a mangwe a godimo a go pholetšhwa mantšu go yona, gomme mothaka yo monnyane a ponya mahlo a gagwe gomme a retolla hlogo ya gagwe gomme. . . Bjale, o be a na le mahlo, o be a kgona go bona phorofesa. O be a na le ditsebe, o be a kgona go mo kwa. Eupša, go le bjalo, o be a sa tsebe se a bego a bolela ka sona. Ka baka la eng? O na le bjoko bja thaga. O no ba le bjoko bja nonyana. Ke ka moka se a nago naso. Ga a na le bjoko bja motho, ka fao a ka se kgone go nagana bjalo ka batho.

<sup>25</sup> Gomme le motho a ka se kgone go nagana bjalo ka Modimo! Ke wena motho, gomme ka moka tsebo ya sefefase ga e fete bjoko bja thaga. Ka moka se o se dirago, o no ikgobatša ka sona. O swanetše gore o be le mogopolo wa Kriste.

<sup>26</sup> Lebaka le batho ba yago gomme ba tšoena mekgatlo, gomme ba dira go šišinya seatla kemedi sebakeng sa tswalo ye mpsha, ba leka go feta ka thoko tswalo ye mpsha. Ga ba nyake tswalo ye mpsha. Gomme ba a—ba a tseba gore re a e ruta ka Beibeleng, ka fao ba nyaka go dira selo se sengwe kemedi ya yona. Batho ba Mapentecost ba lokile e le ba babe, ba nyaka go dira kemedi ka se sengwe! Ba e nyaka e le ya maemo. E swanetše go no ba ya maemo, “Re tla šišinya diatla gomme re tšoene kereke, gomme re fafatšwe goba re kolobetšwe,” goba selo se sengwe. Ba boifa tswalo ye mpsha. Nako ye nngwe ke a dumela gore Tabarenekele ya Branham e a e boifa!

<sup>27</sup> Bjale, ka moka re a tseba gore tswalo, ga ke tshwenyeye gore e kae, goba kae, kgauswi kae, ke tlhakahlakano. Ge ngwana a tswalelwa godimo ga mokgobo wa mooko, godimo ga lebatso le lethata, goba ka gare ga kamora ya sepetlele ya go kgabišwa ka bopinki, ke tlhakahlakano, ka mokgwa ofe kapa ofe. Tswalo ya namane, tswalo ya eng kapa eng gape, ke tlhakahlakano.

<sup>28</sup> Gomme tswalo ye mpsha ga se selo ge e se tlhakahlakano! Eupša batho ke dikgokgorothwana, “Re tla ya godimo fao ba šišinyago diatla. Re tla ya godimo fao ba sa kgeretlanyego le go



lla, gomme ba itia aletara gomme ba lla.” O nyaka go ba motho kudu! Se re se nyakago ke tswalo, go hwa, fao go tla tlišago Bophelo pele!

<sup>29</sup> Peu, letapola la kgale, peu ya letapola, o tšea letapola lela gomme o le bea ka mobung. Gore o tle o be le matapola a maswa, letapola lela la kgale le swanetše go bola. Lebele le ka se kgone go tšweletša bophelo bjo boswa go fihla le bola.

<sup>30</sup> Gomme monna goba mosadi a ka se tsoge a ba le tswalo ye mpsha go fihla mabohlale a bona le bobona beng bo bola, bo hwile, ba hwela aletareng, gomme ba goelela, gomme ka moka ba hlakahlakana, go fihla lefelong mo e lego gore setatšhe se tloga kholorong ya lena, gomme o tswalwa gape ka Moya wa Modimo. Ga ke tshwenyege ge eba o a tswinya, o bolela ka maleme, o tabogela godimo le fase, o phuphusela bjalo ka kgogo e se na le hlogo, o tliša Bophelo bjo boswa pele! Eupša re tliša selo se sengwe bjalo ka kemedi ya bjona, re nyaka tsela ya maemo, nnete.

<sup>31</sup> Letšatši le lengwe, Labohlano, mosadi le nna re be re eya lebenkeleng. Ga ke re go bolela gampe ka se. Eupša ge ke eya go theoga seterata, ke be ke no tšwela pele ke retollela hlogo ya ka ka tseleng ye tee goba ye nngwe, basadi ba go ponoka. Ke ile ka tshepiša Modimo ge ke be ke le monna wa sefofu, gore ge A ka fodiša mahlo a ka ke tla lebelela selo se se lego gabotse. Ke boloka sefapano se sennyane se lekeletše ka koloing ya ka. Ge ke bona sa go swana le seo, ke lebelela sefapano gomme ke re, “O Modimo, Seo ke Botšhabelo bja ka,” ge ke lebeletše sefapano.

<sup>32</sup> Ke bone basadi bao. Meda a re, “Ga se ra bona mosadi yo motee lehono yo a tšwelego sekhethe.” Gomme a re, “Bill, lebelela mosadi yola fale yo a nago le maralana ale a mannyane go dikologa bogodimo bja mmele wa gagwe,” gomme a re, “o nyaka go mpotša gore mosadi yola ga a tsebe gore seo ke phošo?” A re, “Ge a sa tsebe gore ke phošo, gona o tšwele monaganong wa gagwe wa mmakgonthe.”

<sup>33</sup> Ka re, “Motsotso feela, hani. Ke Moamerika, o dira ka fao Maamerika ba dirago.” Ka re, “Ke be ke le Finland e sego telele go fetile, pelobosana.”

<sup>34</sup> Gomme ka botšiša fao monna yo a go ntudiša fase, Ngaka Manninen. Gomme re be re eya go tša—tša maphelo dipafo, tšeo ba di bitšago sauna, gomme ba go iša ka gare gomme ba tšhela meetse a go fiša godimo ga, goba meetse godimo ga matlapa a go fiša, gomme a no go ntšha mphufutšo. Gomme ba go dira gore o tabogele ka meetseng a aese, gomme ka gona morago ka ntle. Ka gona o itšeele a ka kamoreng, gomme ka fao go na le baoki, basadi ba karapa banna (bona ba ponoka), ba ba romela morago ka mogobeng. Ga se nke ke eya ka gare. Gomme ka re, “Ngaka Manninen, seo ke phošo.”

35 A re, “Ka moka gabotse gona, Moruti Branham, seo ke phošo. Bjale go bjang ka dingaka tša Maamerika tšeo di apolago mosadi go ponoka thososo gomme tša mo robotša godimo ga tafola, gomme ba hlahlofa se sengwe le se sengwe sa thobalano—setho se sengwe le se sengwe sa thobalano a nago naso? Go bjang ka baoki ba lena ka dipetlele?”

36 Ka re, “Ntshwarele, Ngwanešu Manninen, Manninen, o nepile.”

37 Ke eng? Ke metlwae. Ge ke be ke le ka Paris ke ile ka seke ka e dumela, gore mahlapologelo a mmogo banna le basadi e be e le matee. Ga se nke ke kgona go e kwišiša, gore dikamora tša boithomelo di be di le ka lehlakoreng la seterata tša mmogo banna le basadi. Ga se ka ke ke dumela gore ge basadi ba eya lebopong go ya go thutha, mošemane le pelobosana wa gagwe, ga ba na le dikamora tša go aparela, ba no apola ka moka diaparo tša bona go fihlella ka seaparo sa mafelelo, ka gona ba retolla magetla a bona gomme ba apara maralana gomme ba ya go thutha, eupša go bjalo. Ga ba ele šedi ya selo go sona. Ke motlwae wa Fora.

38 Ka Afrika, basadi le banna, ba bagolo le ba bannyane, ga go diaparo le ga tee, ba itshepelela go kgabola legola. Ga se ba ke ba tseba gore ntlwana ya boithomelo e be e le eng, goba dilo, goba ga se ba ke ba tloga sefahlegong sa e mongwe go yo mongwe. Eupša ga ba tsebe phapano. Ga ba tsebe phapano. Eupša ke metlwae ya ditšhaba.

39 Eupša ka re, “Hani, re ba ba fapanego, re tšwa go Setšhaba se sengwe. Re badiiledi le basetsebje fa, seo ke se se dirago dilo tše go lebelelega phošo kudu. Ka gore Beibele e rile, ‘Ba bolela seo, ba a tleleima, ba laetša gore ke bona badiiledi le basetsebje, ba nyaka toropokgolo ye e tlogo.’”

40 Monna goba mosadi ka Italy, ka Fora, ka Afrika, ka go sefe goba sefe setšhaba, yo a kilego a tswalwa gape ka Moya wo Mokgethwa, ga ba dire dilo tšeo. Ba ka se apare diaparo tšeo. Ba ka se dire ka mokgwa woo, ka baka la gore ke ba Setšhaba se sengwe Seo Mmuši le Modiri wa sona e lego Modimo. Re tšwa Legodimong. Moya wo o lego ka go wena, o tutuetša bophelo bja gago. Ge o le Moamerika, o tla dira ka fao Maamerika a dirago. Ge o le Mofora, o tla dira ka fao Mafora a dirago, gomme wa swaswalatša yo mongwe yo motee. Eupša ge o le wa Modimo, o tla dira ka tsela ye ba dirago Legodimong, ka baka la gore Moya wa gago o tšwa Godimo gomme O a go laola.

41 Selo se sengwe se sennyane se o ka se lebelelago. Ka Lengwalong, bao ba bego ba nyaka Toropokgolo ye mpsha ye, ba be ba dira go fapana. Ba be ba bolela gore ke bona badiiledi le basetsebje. Eupša ka lehlakoreng la Kaine, e bile baneneri le magwaragwara. Eupša Bakriste e be e le badiiledi le basetsebje. Moneneri ga a na le legae, legwaragwara ke motho

wa go šiiša. Eupša modileledi ke selo se sengwe sa nnete, gomme sa go tšwa nageng ya nnete Setšhabeng se sengwe, a leka go hwetša tsela ya gagwe go ya Gae, a bolela go phela ga gagwe gore o na le selo se sengwe gore o tšwa Nageng ye nngwe. Fao go na le lebaka.

<sup>42</sup> Eupša go le bjalo batho ba ba dirago bjalo, batho ba ba aparago dilo tšeo, a ke le botšeng. Ka Afrika Borwa, ge ke bona bahetene ba ba tala ba dikete tše masometharo, ba ponoka, badudi ba go fella. Basetsana ba lesometshela, lesomeseswai, masomepedi a mengwaga ka bokgale, bašemane go se na le moroko o tee wa dikobo, ba eme fale ka leraga difahlegong tša bona, gomme ba ipentile, ba na le marapo go phuleletša nko tša bona, le dinthokga tša legong di lekeletše ditsebeng tša bona, le sefapano sa marapo a motho goba marapo moriring wa bona, meno a diphoofolo a lekeletše godimo ga bona, ba ponoka go swana le ge ba etla lefaseng, gomme ba sa e tsebe. Eupša ge ba amogetše Kriste, gomme ba wele ka difahlego tša bona gomme ba amogela Moya wo Mokgethwa, ba ile ba emelela gomme ba phutha matsogo a bona go swara dihlong difegong tša bona, ge ba sepela go tloga le go hwetša diaparago go apara. Ka baka la eng? Ba ba badiiledi le basetsebje go lefase le. Halleluya! Ba be ba tlogile go Yena. Eye, mohlomphegi.

<sup>43</sup> Oo, eye, batho ba ba ipitša Bakriste ka bobona. Ke bona ba dikereke. Ba a tloga gomme ba re, “Rena re Mamethodist. Rena re Mabaptist. Rena re Mapentecost. Rena re Maseventh-day Adventist. Rena re *se, sela*, le *se sengwe*.” Seo ga se na le se setee go dira le bjona. Moya wa gago, bophelo bjo bo lego ka go wena, bo a tutuetša gomme bo bolela se o lego sona. Jesu o rile, “Ka dikenywa tša bona le tla ba tseba.”

<sup>44</sup> Kereke e tšile ya ba bjalo ka Israele, pele. Ba bone ka moka ditšhaba tša bahetene di na le kgoši. Modimo e be e le Kgoši ya bona. Gomme ba bone ka moka ditšhaba tša bahetene di na le kgoši, fao ba be ba nyaka go dira bjalo ka ditšhaba tša bahetene, gomme ba ithekela kgoši ka bobona. Gomme ge ba dirile, ba tsena bothateng. Ka go iketla e thoma go tla gare. Ka go iketla lefase le thoma go thedimogela ka go bona. Mafelelong gwa felella ka Ahaba. Kgoši e tee ya tla gannyane kgauswiuswi le yona, gannyane kgauswiuswi le yona, gomme mafelelong ya pitlela bophelo ka ntle ga bona. Gomme fao ba ile ba ya. Gomme ge Kgoši ya nnete e etla, ga se ba ke ba Mo tseba.

<sup>45</sup> Seo ke selo se se swanago se kereke e se dirilego. E se tšere. Fa le gona. E tšere dipolotiki, dithuto. E tšere mekgatlo, sosaiti, dikereke tše kgolo, bareri ba maemo a godimo. Gomme ge Kgoši ya nnete e etla, ga ba Mo tsebe, gomme ba bapola yena Moya wo Mokgethwa e lego Kgoši ya bona. Ga ba Mo tsebe, eupša ba a Mo sega gomme ba dira metlae ka Yena. Bjalo ka ge Bajuda ba dirile go Mesia wa bona, kereke e dira go Mesia wa bona ka tsela ye e swanago. Ga ba e tsebe. Ga ba ne pono ya ka gare ya semoya, ka

baka la gore ba tletše dingwalwa ka mahlong a bona le tše ba di bonago, meago ye megolo, ba leka go ipapetša le lefase. Ga se ra ke ra tutuetša—tutuetšwa go ipapetša le lefase. Re tutuetšwa go ikokobetša ka borena.

<sup>46</sup> Gomme, gomme tee ke bontši, go Modimo. Gomme lehono ka bodireding bja phodišo ntle ka mašemong, fao go na le phenkgišano ye ntši kudu, baphenkgišani. Yo motee o re, “Go lokile, šegofatša Modimo, ke na le dikete tše ntši. Ke na le kopano ye kgolokgolo go feta ye o nago nayo.” Na ke phapano efe ye seo se e dirago? Re na le yo motee goba milione o motee, na ke phapano efe o e dirago? A re na le therešo go Modimo? A re na le therešo go Lentšu la Gagwe? A re eme ka tlase ga teko ya Moya wo Mokgethwa? A ke therešo? Seo ke selo se e lego konokono.

<sup>47</sup> Eupša re itšimeletša godimo ga Beibele. Bontši bja batho ba rena ba Mapentecost, godimo ga motheo wa Dithuto tša Beibele ye, ba a itšimeletša. Fao go . . . Ga ke nyake go gobatša maikutlo. Ke ka kerekeng ya ka mong, gomme ke kwa gore nka—nka kgona go dira feela eng, ka kerekeng ya ka, ka baka la gore ke rera Ebangedi. Eupša fao go na le masome a dikete a bareri ba Pentecost ba a tseba gore fao ga go selo se se bjalo ka Beibeleng bjalo ka kolobetšo leineng la “Tate, Morwa, Moya wo Mokgethwa.” Ke hlohla mopišopomogolo, goba mang kapa mang, go ntaetša fao mang kapa mang a kilego a kolobetšwa leineng la “Tate, Morwa, Moya wo Mokgethwa.” Eupša ba itšimeletša, ka baka la gore mokgatlo o dirile bjalo. Gomme fao ga go motho yo motee ka Tastamenteng ye Mpsha, gomme le lebaka la makgolotharo a mengwaga ka morago ga fao, go ya ka histori, eupša ge e se yo a kolobeditšwego Leineng la Jesu Kriste. Na seo ke eng? Mokgatlo. Woo o e dirile. O itšimeleditse!

<sup>48</sup> Gomme lehono ba tšere ka moka bašomi ba seterateng go tloga diterateng. Ba tšere thamporini go tšwa ka kerekeng. Ba tšere letago ka moka go tšwa kerekeng, gomme ba le thero ya siminareng, thero ya mogogonope wa letlopo wo monnyane wa kgale, ka moka sosaiti sa go pholetšhwa, gomme basadi ba bona ba apere mafonokana le diroko tšeo ba rokeletšwego ka go tšona, gomme banna ba kgoga disekerete, gomme ba a kempola gomme ba bolela metlae ya ditšhila. Ke bohlaswa sefahlegong sa Modimo! Ke a tseba seo ke makgwakgwa, eupša ke nako ya gore yo mongwe a bolele selo se sengwe. Go itšimeletša, go ineela, go dira bjalo ka lefase!

<sup>49</sup> Ga ke tshwenyega ge e ba ke swanetše go ema ke nnoši, go se le yo mongwe eupša Modimo a nnoši, ke tla rera Therešo ya Beibele ya Modimo gomme ka E emela. Ge ke ehwa, ke tla no fele ke sa emetše Therešo. Ka nnete. Re nyaka Therešo. Ke tla ela e sego ka kereke, eupša ke nyaka go ela go ya ka Lentšu la Modimo.

<sup>50</sup> Eupša Delila, a le etše hloko, o be a tseba gore Simisone o be a na le maatla. Gomme o be a sa tsebe fao maatla ao a bego

a robetše gona. O be a sa kgone go bolela gore maatla ao e be e le eng, eupša fao go be go le maatla a magolo ao Simisone a bego a na le wona, gomme o be a nyaka go a hwetša. Gomme, ge Delila, o ile a tšwela pele a gokagoketša Simisone ka botse bja gagwe. Oo, o ile a ikapeša ka boyena ka mokgwa wa thobalano ka nnete. Gomme a sepela pele ga gagwe gomme a sasanka bjalo ka ba bangwe ba bannyane ba mahlalagading ba letsatši, gomme—gomme le go ya pele, gomme ke nyaka go no raloka selo se sengwe gape, setšola ditšwalo, a leka go gokagokeletša Simisone go yena.

51 Seo ke selo se se swanago se lefase le se dirilego go kereke. Bjale Maatla a gago a magolo a kae?

52 “Go lokile, ge re ka ikaga, seo se ka roba Maatla.” Kereke ya Katoliki e se dirile.

53 “Eupša Bafilisita ba godimo ga gago, Simisone.” Gomme Luther a tšwela ka ntle.

54 Ka gona ba ikaga gape. “Ge o ka ntlema ka thapo ye nngwe, e tla ntshwara.” Ka fao ba dira.

55 “Gomme Bafilisita godimo ga gago, Simisone.” Na go diregile eng? Wesley o tšwetše ka ntle gomme a kgaola dithapo.

56 “Bjale o mphorile nako ye ka moka. A ga o tsebe gore ke a go rata, Simisone? Ka moka gabotse, mpotše therešo ka pelong ya gago.”

“Ka moka gabotse, ntleme ka thapo ye nngwe.”

57 “Ka moka gabotse, bjale re tla dira seo.” Yeo ke eng? Ye ke thapo ya kereke ya leina.

58 “Ntumelele ke lokologe, gore ga ke na kereke ya leina. Ka gona, ke a go botša, o tla be o ntirile gore ke tlemologe.” Ka fao Pentecost ya tšwela ka ntle. Maatla a gago a kae?

“Bafilista ba godimo ga gago.” Gomme a kgaola dithapo gape.

59 Eupša bjale go diregile eng? E swere Mapentecost, Dingaka tše kgolo tša Bokgethwa tša badiši ba bona, banna ba bagolo. Ba na le feela bontši bja sekolo le tirlwana bjalo ka Mamethodist goba Mabaptist, goba ye nngwe ya tšohle tša tšona e nago nayo. Eya ka kerekeng gomme o ka se kgone go kwa “amene,” ba no tonya bjalo ka sehlopha sa Maesikimo thwi go tšwa Phoulong ya Lebowa. Go tonya! Go hloka phapano! “Gomme bjale Bafilisita ba godimo ga gago, Simisone.”

60 Bafilisita ba godimo ga gago, Amerika. Bokae botee bjola bja moya? Bokae botee bja Pentecost? Assemblies of God, le United, le kereke ya Modimo, le *se, seo, se sengwe*, ye nngwe le ye nngwe ka ism ya go fapana, ye tee ye ka *yela*, gomme ye tee ye le *yela*. Re ripagane go fihla mo o ka yago ka toropongkgolo go swara tsošeletšo, ge kereke e tee e go thekga ka tšhelete, tšohle tša tšona di ka se tle. Makomonisi a godimo ga gago, Amerika.

<sup>61</sup> Maatla a rena a kae? Letago la rena le kae? Ke eng? Ka baka la gore re ile ka morago ga bohlae bja monna sebakeng sa Maatla a Modimo! Ka baka la eng, ba na le bareri ba rena le dilo di thatafetše gomme ke dikgokgorothwana kudu, go fihla ba re kgotlafatša go fihla re le dikgokgorothwana le ba melala ye methata, go fihla batho... A le sa kwa go goelela ka kerekeng gape? Ga o sa kwa yo mongwe a lla. Panka ya yo a llogo e bewa ka fase. Fao ga go sa na le letago ka kerekeng. Ka moka se re se dirago ke go dula morago ka go thatafala ka fao re ka kgonago go ba. Ga se ra lokologa. Re tlemilwe. Diabolo, ka matimone a gagwe a sebjalebjae, o tlemile kereke ya Modimo yo a phelago. Seo ke therešo. Fao ga go sa na le Maatla ka kerekeng. Fao ga go sa na le tokologo. Batho ke dikgokgorothwana le ba bathata kudu! Ka baka la eng, Modimo o kgona go tla ka magareng ga batho ba Mapentecost, gomme a ba laetša gore ke Yena Modimo, gomme a hlatsela maswao a Gagwe a tsogo ya Gagwe, ebile ga e ba šišinye. Letago! Ka lebaka la eng, ke bohlaswa! Ke sepela go kgabola naga, Modimo a šoma, a dira maswao, gomme batho ba a dula, gomme, “Go lokile, ke a thanka seo ka moka se gabotse. Oo, ke a tseba se ka kgona go dirwa.” Ga se ba šišinye! Ka baka la eng? Ba tlemilwe le Delila, lefase. Ba ka gare ga ditlemo.

<sup>62</sup> Bjale ba bile ba itsentše ka go, ba tlemilwe mohlakanelweng. “Bafilisita ba godimo ga gago, Simisone.” O ya go dira eng ka yona?

<sup>63</sup> “Oo, re na le dikereke tše kgolo tša maina.” Nnete. “Re na le boleloko bjo bogologolo go feta bjo re kilego ra ba le bjona.” Eupša Moya o kae? Moya wo Mokgethwa o kae?

<sup>64</sup> Seo ke se Diabolo a se dirilego. Se gokagokeleditšwe ka kerekeng. Se tšwetše pele se gokagoketša kereke, “Etla go nna, ke tla go fa tabarenekele ye kgolo ka fa ge o ka no dira se. Ge o ka no tloša moreri yola wa lehlanya o nago le yena, gomme wa hwetša monna, Ngaka ya Bokgethwa ya go ba le tlaologanyo, re tla go agela kereke ye botse ye kgolo ya maemo gomme re tla swana le ka moka ga bona.” Dihlong go wena! Bokaone o be le monna yo a bego a sa tsebe go aroganya kofi go tšwa go dinawa, eupša a bego a tladitšwe ka Moya wo Mokgethwa, yo a bego a sa itšimeletše, ka Maatla a Modimo.

<sup>65</sup> Eupša e fihlile, oo, go kgokgoropana kudu, go fihla mo e lego gore mokgethwa wa go šokiša a ka phatlola go kgabola ka kopanong gomme a bolela ka maleme, goba a goelela gannyane nyana, goba a dira selo se sengwe, gomme ka moka ga bona ba tla retologela go dikologa ka moka gomme ba lebelela. “Seo e be e le eng? Go lokile, re a makala gore ka baka la eng? E swanetše go no ba e le lehlanya le le nnong go rothela ka gare felotsoko.” Le a tseba seo ke therešo! Mokgethwa yo a itšego wa go šokiša o sepeletše ka gare, a thaba mo go lekanego go emiša diatla tša bona, gomme a lla a reta Morena, yo mongwe yo a kago go

goeletša “amene” go go rerweng ga Ebangedi, gomme ka moka ga bona ba retologa go dikologa le go bona se a se boletšego. Seo ke Mapentecost. Na molato ke eng? Le ekiša ka morago ga Methodist, ka morago ga Baptist; ba ekišitše ka morago ga Katoliki; Katoliki e ekišitše ka morago ga hele. Gomme, ka moka mmogo, ka moka e ka morago ga hele! Gabotse.

<sup>66</sup> Delila o le gokagokeleditše ka dikerekeng tše kgolo, ba bakaone, badiredi ba go rutega, ba tšea leemo le lekaonekaone. “Go lokile, le a tseba, *Mang-le-mang* tlase fa ke ramilione, ge re re ka no mo hwetša gore a tle ka phuthegong ya rena! Oo, nna!” Ge a se a tswalwa gape, gona ga a lokela go ba fao. Ga ke tshwenyega se a na le ditolaru tše milione. Ge a na le Dicadillac tše masomenne, eng kapa eng a nago le yona, o swanetše gore a tswalwe gape, a tle fase thwi go tswalo ye mpsha gomme a bopše leswa ke Moya wo Mokgethwa, gomme a tšwela ka ntle ga fao ka tswalong ye mpsha, a hlwephenya (ntshwareleng), a lla gomme a goelesa, gomme a tšwela pele bjalo ka moka ba dirago, gomme a phele bophelo ka morago ga fao go hlatsela gore o E hweditše. Amene. Seo ke se o se nyakago.

<sup>67</sup> “Simisone, Bafilisita ba godimo ga gago.” Makomonisi a godimo ga gago. Lefase le godimo ga gago. Diabolo o godimo ga gago.

<sup>68</sup> Ba ya morago gomme ba bona Moya wa Modimo o dira mehlolo gomme o dira dilo tša tsogo ya Gagwe, tšeo Jesu a di tshephišitšego, ba re, “O a tseba, ke nagana gore Ngwanešu Branham o na le go bala mogopolo. Modiša wa ka o rile e be e le sa Diabolo.”

<sup>69</sup> Wena wa go šokiša, wa moikaketši, wa go tswakwa mohlokamodimo, ka moka ba go pholetšhwa, lena diphiri ka diaparong tša dinku! Jesu o rile, “Ge nkabe le Ntsebile, nkabe le tsebile letšatši la Ka.” Eupša le na sehlopha sa bo Soulo se se lekago go le dira go swana le lefase ka moka.

<sup>70</sup> Re nyaka sehlopha sa banna ba Modimo ba ba sa itšimeletšego ka Lentšú, eupša ba rerago Therešo gomme ba ema godimo ga kolobetšo ya Moya wo Mokgethwa.

<sup>71</sup> Eupša a lefase le dirile eng? Le šefile ka moka Maatla a gago go tloga. O tswetšwe o le Monasare, Mopentecost, eupša lefase ka nnete le šefile Maatla a gago. Bjale e no ba kgogorothwa bjalo ka moka ga tšona.

<sup>72</sup> Na re ya go dira eng? Na go ya go direga eng? Fao go na le selo se setee sa letago se nka se naganago go fetša taba ye.

<sup>73</sup> Ge Simisone a sa tlamilwe! Re ka se kgone go ba le tsošeletšo. Theeletša ngwana wa borena wa go botega, Billy Graham, “Tsošeletšo letšatšing le rena!” Theeletša kgaogelo ya Oral Roberts, “Tsošeletšo letšatšing la rena!” Theeletša ka moka ga bona, “Tsošeletšo letšatšing la rena!” Re ka ba le tsošeletšo re tlemilwe? Re tlemile Moya wo Mokgethwa, ka mekgatlo ya



rena le ditšo, gomme re ka se kgone go ba le tsošeletšo ya Moya wo Mokgethwa. Amene. Ke a tseba go fiša tšhiritšhiri, ka tša boso, eupša ke Therešo. Re ka kgona bjang go ba le tsošeletšo ya Moya wo Mokgethwa ge re tlamilwe ka mokgwa wo gomme re le dikgokgorothwana! “Sebopego sa bomodimo,” Beibele e rile ba tla ba le sona. “Sebopego sa bomodimo, eupša ba tla gana Maatla a bjona.” Maatla a eng? Maatla a mokgatlo? Maatla a lefase? Maatla a kereke? Maatla a Moya wo Mokgethwa! Leo ke lefelo la sephiri ka kerekeng. Gomme ge kereke e bea bareri ba go rutega, le meago ye megolo le bothakga, sebakeng sa Moya wo Mokgethwa wa fešene ya kgale, bokaonekaone ke go ba ka thamong gape. Amene. Therešo. Le ya go ba le tsošeletšo ya Moya wo Mokgethwa bjang, mola batho ba O timola gomme ba O tlema ba O boifa? Fao ke mo bothata bo robetšego.

<sup>74</sup> “Bafilisita ba godimo ga gago.” Eupša kholofelo e tee ya go šegofala ye re nago nayo, ge Simisone a be a sa le ka kgolegong. . .

<sup>75</sup> Na selo sa pele se ba se dirilego ge ba mo swara ke eng? Ba ile ba mo tlema, pele. Ba tšea maatla a gagwe, ba ile ba hwetša sephiri sa gagwe. Ba hweditše sephiri sa gago. Lefase le hweditše sephiri sa gago. Bjale le lena basadi ka moka le ripa moriri wa lena, go ya bjalo ka lefase. Lena banna ka moka le a ya gomme le dira bjalo ka lefase. Ka moka ke gabotse, le bolela metlae le metlae ya ditšhila, gomme le ya ka ntle gomme le kgoga disekerete di se nene, gomme le kitime le basadi ba baagišane, gomme le se sengwe le se sengwe gape ka mokgwa woo, go nwa gannyane ga segwera go swarelela mošomo wa gago. Bokaone ke robale ka dimpa tša ka gomme ke je dikipikipi tša sekhampelele gomme ke nwe meetse a lekabe, gomme ke dule ke hlwekile gomme ke hloka sepatso pele ga Modimo, go feta go itšimeletša ga mohuta ofe goba ofe ga mošomo. Seo ke therešo. Therešo. Dula o na le therešo go Modimo.

<sup>76</sup> “Simisone, Bafilisita ba godimo ga gago.” Tabarenekele ya Branham, diism tša bofefase di khukhunetša magareng ga lena. Naa ke eng ka yona? A le senotše sephiri sa lena? A le senotše sela Modimo a go le fa sona ge le be le pshikologa kua ka leroleng la saga mengwaga e sego mekae ya go feta? A le se dumeletše go khukhunela ka ntle le bja segwera, bodiredi bja go itlhopha? Na go diregile eng go lena? Modimo a kgona go tla fase gomme a dire mohlolo gomme a ye fase thwi go kgabola batheeletši gomme a botše batho diphiri tša dipelo tša bona, le selo se sengwe le se sengwe, gomme a fodiše balwetši le batlaišwa, gomme a dire maswao le dimaka, gomme a rere Lentšu la Gagwe ga kudu ka fao ba kgonago, ka Moya wo Mokgethwa; gomme batho ba re, “Go lokile, ke a thanka ka moka ke gabotse. Re ipshina ka go o theetša gatee ka nako, ge re se ra lapa kudu.” Yeo ke Tabarenekele ya Branham. Bafilisita ba godimo ga gago.

<sup>77</sup> Ge, go be e eba gore ge Lentšu le rerwa, gomme bakgethwa ba kgale ba megokgo ka mahlong a bona, ba be ba ema ka

maoto a bona gomme ba sepela, ba sehumola, mohlomongwe ba sa bolele lentšu, ba no sepela go dikologa, dinako tše pedi goba tše tharo, gomme ba dula fase, ba tletše ka Moya wo Mokgethwa kudu! Lentšu le be le ba fepa! “Motho a ka se phele ka borotho feela, eupša ka Lentšu le lengwe le le lengwe le le tšwago molomong wa Modimo.” Bafilisita ba godimo ga gago, Tabarenekele ya Branham.

Bafilisita ba godimo ga gago, Pentecoste.

<sup>78</sup> Ke therešo, Bafilisita ba le swere, ka moka ga lena, nako ye telele ya go feta ge le ikaga ka bolena go tliša, ga go selo se se bego se ka kgona go tla ka gare ntle le ge o be o le Mopresbyterian, Mobaptist, Momethodist, Mokatoliki, goba selo se sengwe. O be o ka se be le selo go dira le ka moka ga bona.

<sup>79</sup> Ka fao, tsošeletšo letšatšing la rena? Re ka ba le yona bjang ge mofi wa tsošeletšo wa ka mehla a bofilwe ke lefase? Modimo a ka se tle ka gare fao lefase le lego gona, o ka no ithekga ka seo. O kopakopana le lefase, gona ke—ke ka moka ga yona. Ge o dumelela lefase go khukhuretša ka gare, o ya go dira bjalo ka lefase, gona o fedile. Eupša ge o ka ripa go tlemolla tlemo ye nngwe le ye nngwe go tšwa go lefase, gomme wa tla go Modimo, Modimo o tla go šomiša go fihla o eya go gerema gape.

<sup>80</sup> Še kholofelo e nnoši ye ke nago le yona mosong wo, go tatolla Molaetša wa ka, ke ye, “Ge Simisone a sa tlemilwe, ntšhuthwana ye mpsha ya moriri ke ge e hloga.”

<sup>81</sup> Modimo re romele Kereke ye nngwe feela pele ga nako ya bofelo, gore Maatla a Moya wo Mokgethwa a kgone go tla ka go yena, ka ditšhupetšo tša Moya, gomme Mareka 16 e tla kgona go latela Kereke, Ditiro 2:4, Ditiro 2:38, ka moka ga yona e tla be e latela mmogo le Kereke. Maswao le dimaka di fegeletša baapostola. Maswao a magolo a tsogo ya Gagwe a ba fegeletša. Ge ba be ba le kgolegong, ka nnete Modimo o mediša mabele felotsoko, ka baka la go bolaya ga mafelelo ga ye kgolo. A nke e be wena, mogwera wa ka wa Mokriste fa mosong wo, a nke e be gore maatla a gago a thoma go gola. Ke a rapela gore Molaetša wo mosong wo, le ka ntle ka nageng fao o tla yago, ke a tshepha gore Molaetša wo o tla thuša go tliša fitamine go tshepedišo ya gago yeo e tlogo go godišetša Maatla a semoya morago ka bophelong bja gago gape.

A re kobeng dihlogo tša rena gomme re rapeleng.

<sup>82</sup> O Morena Modimo, Mohlodi wa Magodimo le lefase, Mothomi wa Bophelo bjo Bosafelego, le Mofi wa mpho ye nngwe le ye nngwe ye botse le ya semoya, tšea mantšu a mosong wo gomme o a bee ka pelong, gomme o a nošetše, Morena. A nke batho ba rapele godimo ga dilo tše, ka ge re bona gore lefase le gokagokeditše kereke gomme mafelelong le hweditše Maatla a yona, le hweditše lefelo la yona la sephiri, le hweditše fao sephiri sa yona se robetšego, gomme le e šefile

go tloša. Le tšere batho bao gatee ba bego ba goeletša phenyo, bao gatee ba kilego ba ba le phenyo, gomme le ba šefile go tloša, go dula gae ka Laboraro bošego go bogela lenaneo la thelebišene. Le tšere thabo go tšwa dipelong tša bona, gomme le ba file lerato le legolo go lefase go feta le ba nago lona go Modimo. Le ba file lefase gagolo, tša lefase, tumo ye kgolo ya maithabišo a lefase gagolo go feta go rera Ebangedi. Ge go se na le sehlopha se segolo sa mmimo le go tšwela pele mo gogolo, le go goelesa ka go thantshelwa le go tšwela pele, gona ga ba nyake Ebangedi ya kgale, gape, ye e tlišago megokgo ya thabo soulong, ye e tlišago phodišo ye Kgethwa morago, ye e bušetšago dimpho tša boapostola kerekeng, ye e tlišago Kriste yo a tsogilego ka gare, Mesia wa letšatši le.

<sup>83</sup> Eupša bjalo ka ge Israele e be e tlemilwe ke—ke magoši a yona, gore ba seke ba kgona go latela Kgoši ya nnete; gomme Kgoši ya nnete, ge E etla, ga se ba ke ba E lemoga. Ka fao go bjalo lehono. O Morena, Kgoši ya Letago e tšweletše ka sebopego sa Moya wo Mokgethwa, gomme, Morena, ga se ba ke ba e tseba. Ga ba e lemoge. Ba ikagile go tiiša kudu, long fihla mo ba sa e kwišišego, ka baka la gore ga e mokgatlong wa bona. Morena, wo ke mošomo wa Diabolo wo o dirilego se go batho.

<sup>84</sup> A nke Simisone wa Modimo, a nke ba therešo ka pelong, bao ba hlologetšeng gomme ba lla, ba kgopela gomme ba swaretše, a nke ba dule le yona, Morena, go fihla ge mabele a maswa a a gola, go fihla ge go etla pele gape thabo Sione, gomme fao go etla pele sehlopha se se ka kgonago go lemoga le go kwišiša, se se ka kgonago go bona Mesia le Maatla a a utilwego ao a utetšwego lefase, gore ba seke ba kwišiša bjale. Efa, Morena, gore ba tle ba bone se. Ka gore se se kgopela ka la Jesu Leina. Amene.

[Lefelo le le se nago selo godimo ga theipi—Mor.]

. . . Maatla feela bjale,

O Morena, romela Maatla feela bjale

Gomme o kolobetše yo mongwe le yo mongwe.

Ba be ba le kamoreng ya godimodimo,

Ba be ba le kwanong e tee ka moka,

Ge Moya wo Mokgethwa o theoga

Wo o bego o tshephišitšwe ke Morena wa rena.

O Morena, romela Maatla a Gago feela bjale,

O Morena, romela Maatla a Gago feela bjale;

O Morena, romela Maatla a Gago feela bjale

Gomme o kolobetše yo mongwe le yo mongwe.

<sup>85</sup> Ke Mo rata bjang! O nna romela Maatla a Gagwe! Ba be ba le kamoreng ya godimodimo, ka moka kwanong e tee. Ka moka lefase le be le gamotšwe go tšwa go bona. Ba be ba ntšhitšwe tšohle, gomme Moya wo Mokgethwa wa tla.

<sup>86</sup> Lehono ba re, “Etna, tšoenla kereke, bea lelna la gago pukung. Goba obamela fase gomme o re, ‘Ke bolela Kriste bjalo ka Morwa wa Modimo,’ emelela.” Diabolo o dira selo se se swanago. Ka nnete. Diabolo o ile a kolobetšwa ge Judase a kolobetšwa. Diabolo o ile ka ntle a rera Ebangedi ge Judase a eya ka ntle gomme a rera Ebangedi. Eupša Diabolo ga se a ke a hwetša Moya wo Mokgethwa. Seo ke yona. Fao ke mo Maatla a a utlwego a lego gona, tsogo yela, go tseba fale ga maleba, boka godimo ga morithi wa go kamaka. Amene.

<sup>87</sup> O fa. Moya wo Mokgethwa wola o swanago, wo Motee wola o bego o le godimo ga Mesia, o sa le godimo ga Kereke ya Gagwe. Ga A tloge. “Ke tla ba le lena ka mehla, le ka go lena, go fihla bofelong bja lefase. Ke tla ba fao. Mediro ye Ke e dirago, le tla e dira le lena. Ye e fetago ye le tla e dira, ka gore Ke ya go Tate wa Ka.”

<sup>88</sup> Eupša lefase le itšimeletša ka wona, “Oo, ao ke matšatši a a fetilego!” Feela seo Diabolo a nyakago o se dira. Ba nyaka gore o dire matsaka. Modimo o go nyaka o kolobeditšwe. Modimo o nyaka o. . . O re, “Oo, ga ke dumele ka moka fao go tšwela pele.” Eya pele gomme o phele, eya pele gomme o phele sebeng sa gago, phela sebeng sa gago. Eupša go fihla o bola, go fihla o bola go dikgopolo tša gago mong, go fihla o bola go fešene ya gago mong, gomme o fetoga gape gomme o tswalwa gape, gomme Bophelo bjo boswa bjoo ka moka mmogo e tla ba bjo bo fapanego go tšwa go bjo bo ilego fase.

<sup>89</sup> Thoro ya lebele e ya fase e le ye kheri, e tla godimo e le ye tala. E ya fase e le e thata, e tswaletšwe, e tla godimo e kobega gomme e tšutlwa ke phefo. Oo, letago! Haleluya! Ge diphefo di thoma go tšutla, thoro ga e kgone go dira selo eupša go itšhišinya ka boyona, go šutha, eupša tše nnyane—tše nnyane ditsebjana di a tšokotšega gomme di a thaba, e a gola, e imatlafatša ka boyona. E ka se kgone go ba tsebjana go fihla ge lebele le hwile gomme le bodile. E sego go hwa feela; eupša le bodile. Le ka se kgone go tla morago gape, eupša bophelo bo tla ka ntle ga lona.

<sup>90</sup> Bjalo ka ge ke boletše lebakana la go feta, tswalo ke selo sa go šiiša, sa go tšhilafala, sa ditšhila, sa go tšhilafalatšhilafaditšhilafadi sa tšhila, eupša fao ke mo bophelo bo robetšego. Ge o itšea go ba go tšhilafala, o tšea ya gago ya Mamethodist, Mabaptist le Mapentecost thuto go ba ya go tšhilafala, gomme o hwela ntle aletareng, gona Bophelo bjo boswa bo tla ka gare. Moya wo Mokgethwa o go dira ka gare ka godimo ga seo; o bona Modimo.

<sup>91</sup> Re tla Mmona letšatši le lengwe la letago. Letšatši le lengwe bokagodimo ga phihlello ya maitemogelo a lehu, re tla Mmona. A le dumela seo? Letšatši le lengwe bokagodimo ga phihlello ya maitemogelo a lehu, fao ke letetšwe ke bosasa bja lethabo.

<sup>92</sup> Ke be ke eme godimo ka khoneng bošego bja go feta, gomme ka gopola gore ke bone Rabbi Lawson yo monnyane. Ge a be

a fela a e ba tlase fa, gomme a fihla go dikologa ka lehlaka la gagwe la kgale gomme a nkgoga ka molala wa lona, go dikologa molala wa ka ka lehlaka la gagwe, godimo fa phuluphithing, gomme a opela kopelo yela, “Kua ke letetšwe ke . . .” [Lefelo le le se nago selo godimo ga theipi—Mor.] . . . ? . . .

<sup>93</sup> Selo se sengwe se diregile! Se ntšheditše lefase ka ntle. Ke thoma go bona dilo ka tsela ya go fapana. Ke tshwenyegile kudu ka tsela ye batho ba ba Amerika ba dirago, kgafetšakgafetša, ngwaga ka ngwaga, go bona basadi le banna ka fao ba inyenefatšago ka bobona gomme ba tšwela ka ntle ka sebeng, go fihla ge gabotse ke bile le go edibala, dinako tše pedi goba tše tharo, ke tshwenyega ka yona. Maabane, ka re go Modimo, “Nka se sa tshwenyega gape. Lentšu la Gago le boletše gore go tla ba bjalo. Eupša ke tla ema magareng ke bitša kgahlanong le sona, ka ka moka tše di lego ka go nna.”

<sup>94</sup> Letšatši le lengwe, ke eme godimo ka Green’s Mill, lewa la ka, tsela morago ka lešokeng, ke be ke rapela letšatši ka moka. Gomme e ka ba iri ya boraro, letšatši le be le dikela, gomme ke be ke ema godimo kua go putlaganya, go tšwa ka leweng, godimo ga letlapa le legolo. Gomme ke be ke eme fao, ke lebeletše thoko ya Bohlabela, ke tumiša Morena. Gomme ke be ke kgona go bona letšatši le sepela go theoga ka morago ga mehlare godimo ga ntlhora ya thaba, ge ke be ke lebeletše go kgabayanya legaga ka godimo ka go a mangwe, gomme go le dibopego tše ntši godimo, go nno homola ka fao go bego go kgona go ba ka gona. Gomme ka re, “Morena, letšatši le lengwe O ile wa fihla Moshe ka mphatšeng wa letlapa, gomme Wa feta kgauswi le yena, ka baka la gore o be a lapile. Eupša O ile wa feta kgauswi, o rile go be go ‘bonala bjalo ka bokamorago bja monna.’” Ka re, “Mphihle ka mphatšeng, Morena.” E ka ba ka nako yona yeo, ka kua ka lehlakoreng le tee la ka, fao gwa tla Phefo ye nnyane e sepela tlase go kgabola dithokgwa. Ya sepela thwi go bapela, ya tla thwi tlase lehlakoreng la ka, Phefo ye nnyane e sepelela tlase, ya ya tlase go kgabola sekgwa. Ke be ke eme fao.

Letšatši le lengwe, Modimo feela o a tseba go  
no re kae goba neng,

Mabili a bophelo bjo bo hwago ka moka a tla  
ema tsi,

Ka gona re tla ya go dula thabeng ya Sione.

Letšatši le lengwe bokagodimo ga phihllelo  
ya boitemogelo bja lehu,

Letšatši le lengwe, Modimo feela o tseba go  
no re kae goba neng,

(Go ya go direga eng? O ya go tswalela, ka moka  
mabili a mannyane a a dikologago.) Mabili a  
bophelo bjo bo hwago ka moka a tla ema tsi,

Ka gona re tla ya go dula thabeng ya Sione.

Kgelempuela fase, koloi ye bose,  
 Etla go nthwalle Gae;  
 Kgelempuela fase, koloi ye bose,  
 Etla go nthwalla Gae.

Ge o fihla kua pele ke dira,  
 Etla go nthwalle Gae;  
 Botša Ngwanešu Bosworth, le ka moka  
 bagwera ba ka, gape,  
 E no tla go nthwalla Gae.

Bjale kgelempuela fase...(E tla thinyetša  
 tlase letšatši le lengwe gomme ya nkukela  
 godimo)...kol-...

(Mohlare wo mongwe le wo mongwe e tla  
 ba mollo; Barongwa ba Modimo, koloi ya  
 mollo)...go nthwalla Gae;

Kgelempuela fase, koloi ye bose,  
 Etla go nthwalla Gae.

<sup>95</sup> Le letee la matšatši a, le letee la matšatši a ka dikarolong  
 tša fase tša diiri tša ka tša go hwa, ke lebelela Yena go tla. Seo  
 ke therešo.

Ke lebeletše mošola wa Jorodane gomme ke  
 bone eng

E etla go nthwalla Gae; (bjale ka Eliya wa  
 kgale a lebeletše mošola wa Jorodane)

Sehlopha sa Barongwa ba go kganya se etla  
 morago ga ka,

Ba be ba tlela go nthwalla Gae.

Kgelempuela fase, e tla fase, koloi ye bose,  
 Etla go nthwalla Gae;

Kgelempuela fase, koloi ye bose,  
 Etla go nthwalla Gae.

<sup>96</sup> Morena Jesu, Mootledi yo a šegofetšego wa koloi ye,  
 Mofofiši bokagodimo ga sekepe sa kgale sa Sione, seketswana  
 sa Bophelo, o sepela tlase go kgabola moago, o a bolela,  
 Bogona bja Gagwe bo fa. Wona Moya wo Mokgethwa wo o Mo  
 tsošitšego go tšwa lebitleng o fa.

<sup>97</sup> Ka gore go se gwa fiwa dikarata tša thapelo, a go na le yo  
 mongwe fa yo a tšwago ka ntle ga toropo, yo ke sa mo tsebego,  
 yo a lego fa go rapelelwa? Emišetša diatla tša gago godimo,  
 yo ke sa mo tsebego. Emišetša diatla tša gago godimo, ga ke  
 tsebe. Wena, wena fao. Ke a dumela moisa yo monnyane ka  
 maledu a molomong morago kua, yo mongwe o emišitše seatla  
 sa bona morago ka tsela yela. Ya, wena, a o emišitše seatla sa  
 gago? Ka moka gabotse. Morago fao, wena, mohlomphegi. Ka  
 moka gabotse. Lena ka moka le basetsebe go nna? Morena  
 Jesu, Modiši yo a swanago wa mohlape o fa, a le dumela gore  
 ditshephišo tša Gagwe ke therešo? O tlotša kereke ya Gagwe,

gomme “Mešomo ye Ke e dirago, le tla e dira, le lena. Le ye megologolo go feta wo le tla e dira, ka gore Ke ya go Tate wa Ka. Go feta wo!” O dumela seo?

<sup>98</sup> A o emišitše seatla sa gago gore o be o sa ntsebe? A o a dumela gore Modimo a ka kgona go mpotša se se lego ka pelong ya gago, a ka kgona go bolela le nna go no swana le ka mo A dirilego mosadi yo a go kgwatha seaparo sa Gagwe? A o a dumela gore Ke Moprsta yo Mogolo yo a kgonago go kgwathwa ke maikutlo a mefokolo ya rena? Ge Modimo a ka utolla gonna seemo sa gago, a o tla ntumela ge ke le moporofeta wa Gagwe, wa dumela gore Bogona bja Gagwe bo fa gomme ka fao a E dumelelago? O rapelela mosadi wa gago. O na le noka ye e robegilego, noka ye e nongologilego. Seo ke therešo. Ge e le yona, emelela. Ka moka gabotse, e ya go mo hwetša, gabotse. Amene.

<sup>99</sup> Go reng ka wena morago fao, moisa yo monnyane yo a emeletšego, yo a nago le maledu a molomong? A o dumela ka pelo ya gago ka moka? A o a dumela gore Modimo a ka kgona go mpotša mathata a gago? A o a dumela gore morwa wa gago o tla ba ka moka gabotse? O a dira? O na le morwa, o na le bogole bja mongetsana. Seo ke therešo. Ga o . . . Ke go tšwa Kentucky. Ge seo e le therešo, emišetša seatla sa gago godimo. Ga ke go tsebe, a ke a dira? Ge ke dira . . . Emiša diatla tša gago ka mokgwa *wo*, ga re tsebane mongwe go yo mongwe. Seo ke therešo. Re tshephetše go Modimo. A o a dumela? Bjalo ka ge o dumela, hwetša mošemane wa gago ka tsela ye o dumelago. E bo bea wena godimo ga pelo ya gago.

<sup>100</sup> Ke mang fa ba emišeditšego diatla tša bona godimo, bao ke bego ke sa—ke bego ke sa . . . A e be e le wena? Ka moka gabotse, morena, a o a ntumela go ba moporofeta wa Modimo? [Monna o re, “Amene.”—Mor.] O a dira, ka pelo ya gago ka moka? Ga wa swanela go emelela, e no ema thwi fao. Ka moka gabotse, mohlomphegi, bjo e lego bothata bja gago, o na le bolwetši bja swikiri. [“Seo ke therešo.”] Gomme bo tshwenya leoto la gago. [“Ya.”] O tšwa Ohio. [“Ya.”] Leina la gago ke Mna. Miller. [“Seo ke therešo.”] Eya morago gae gomme o be gabotse. Ka moka gabotse, dumela ka pelo ya gago ka moka. Ka moka gabotse.

A o dumela ka . . . E dumele. Ge o ka kgona go dumela!

<sup>101</sup> Mohumagadi yo a dutšego fa, a o emišitše seatla sa gago? Mohumagadi yo mogolo, wa go rwala digalase, a o dumela ka pelo ya gago ka moka? O dumela ka . . . A o a ntumela go ba mohlanka wa Modimo? O a dira? Ka moka gabotse, ge Modimo a ka kgona go mpotša gore bothata bja gago ke eng, a o tla dumela? Bothata bja pelo. Ka moka gabotse, emišetša seatla sa gago godimo ge seo e le therešo. Ka moka gabotse.

<sup>102</sup> Mohumagadi fa kgauswi le wena, o emeletše. Pelo; eupša ka nnete ke mahlo a gago. Ke a mo tseba. Ka moka gabotse, ge o ka kgona go dumela!



103 Morago fao, monna yo a latelago morago fao o na le bothata bja pelo, le yena, le bolwetši bja letlalo. A o a dumela gore Modimo o tla go dira gore o loke? O a dira, mohlomphegi?

104 Fao go na le monna morago fao felotsoko, o emišeditše diatla tša gagwe godimo yo a sego. . . Mna. Schubert. Ka moka gabotse, mohlomphegi. Ka moka gabotse, a o a dumela? Ke ka baka la mahlo a gago, gape, a ga se wona? O rapelela mmago yo a dutšego ntle fao, gape. Ge seo e le therešo, emišetša seatla sa gago godimo. Re basetsebane. A seo ke therešo? Šišinya seatla sa gago, šišinya seatla sa gago mongwe go yo mongwe. Ka moka gabotse, ka moka gabotse. Ge o ka kgona go dumela, o ka kgona go amogela!

105 Jesu Kriste yo a tsogilego o ka moagong. Ke yo Motee yo a swanago. A E dira eng go wena? A o dumeletše lefase go mona ka moka maatla ka go wena? Letago! Ke nyaka tswalo ye mpsha! Ke nyaka Bophelo bjo boswa! Ga ke tshwenyege gore Bo tla ka sefofane sefe, le ge nka ba mopshikologi wo mokgethwa, se sengwe. Ga ke tshwenyege gore Bo tla ka sefofane sefe, ke nyaka Moya wo Mokgethwa wa nnete bjalo ka ge o le go nna bjale. Ke nyaka go O boloka! Bokaone ke be le Wona go feta dilo ka moka tša lefase. Amene! A le a dumela? A le a dumela gore O fa?

106 Beang diatla tša lena yo mongwe godimo ga yo mongwe, gona. Mpotšeng selo se setee gape A ka kgonago go se dira. Ga go selo. Ebang le tumelo bjale. Dumelang gore go fedile.

107 Morena Modimo, Mohlodi wa Magodimo le lefase, Mothomi wa Bophelo bjo Bosafelego, le Mofi wa dimpho tše botse ka moka, Moya wa Gago o fa o tlotša kudu, Morena, go bonala o ka re moago o a hema, o ya morago le pele. Ke ka lebaka la eng batho ba sa e kwišiše, Morena? A ba—a ba hlakahlakane le lefase kudu, gomme ba tlile mo ba tonyago kudu le go itlhopha le go ba dikgokgorothwane, go fihla ge ba sa kgone le go Go tseba gape? Morena Modimo, a nke Maatla a a rathe yo mongwe le yo mongwe, gomme yo a babjago a fodišwe, modiradibe yo mongwe le yo mongwe a phološwe, gomme Modimo a hwetše letago. Ka Jesu Kriste, Morwa wa Modimo, ke a e kgopela. Amene.

108 A le a e dumela? Emišetšang diatla tša lena godimo. A le amogela phodišo ya lena? Modimo a le šegofatše. Bjale eyang le e hwetše ka tsela ye le dumelago, e tla ba ka tsela yeo. Ke bona dipono di bulega godimo ga ba bangwe. Seo ke therešo. Ke swanetše go bowa morago bošego bjo.

109 Ge le sa dumele bjale, ga le sa ile go tsoga le dumetše. Seo ke therešo. Jesu o e dirile nako ye nngwe, gomme ba re, “Wena o. . . Re a tseba ge Mesia a etla, O tla re botša se.” A re, “Ke a tseba Mesia o tla dira seo. Eupša Wena o Mang?”

A re, “Ke nna Yena.”


<sup>110</sup> Ka gona a kitimela ka toropongkgolo gomme a re, “Etlang, le bone Monna Yo a tsebilego se ke bego ke le sona le se ke se dirilego. A ge se yena Mesia?”

<sup>111</sup> O rile, “Dilo tše di tla bopega gape matšatšing a bofelo. Kereke e tla be e rera Therešo, E tla be e eme Lentšung. E tla be e dira ka moka Melao ya Modimo. E ka seke ya hlakahlakana le lefase. Gomme go kgabola fao Ke tla sepela ka dira dilo tše di swanago.”

<sup>112</sup> Eupša O rile, “E tla ba ba bothata, ba megopolo ya godimo, ba go rata maipshino go feta Modimo, babotasekgoro, dihwirihwiri, ba na le sebopego sa bomodimo,” ke ba bodumedi kudu, ba ya kerekeng. “Ba na le sebopego sa bomodimo, eupša ba gana Maatla a bjona. Go ba ba bjalo retologa o tloge!”

<sup>113</sup> Lena batho, mo gohle o bego o le gona ka kerekeng, yo A go beditšego bjale, pono e tlogile go nna. Ge—ge e be e le therešo, seo ke se boletšego, nna ke be ke sa tsebe seo go wena, emišetša seatla sa gago godimo, mang kapa mang e bego e le yena. Ka moka godimo ga kereke, yo mongwe le yo mongwe—motho yo mongwe le yo mongwe. Ka moka gabotse. Le a bona? Ga ke ba tsebe, ga se kake ka ba bona; eupša Moya wo Mokgethwa o fa gomme O a ba tseba. Ga le kgone go bona gore ga se nna?

<sup>114</sup> Theeletšang! Ge A ile a nthweša seo, O tla ntshepa ka Therešo ya Lentšu, ka baka la gore Therešo e kgona go tla feela ka Lentšu. “Sokologang, yo mongwe le yo mongwe, gomme le kolobetšwe Leineng la Jesu Kriste, tshwarelong ya dibe, gomme le tla amogela neo ya Moya wo Mokgethwa, ka gore tshephišo ke ya lena le bana ba lena, ba ba lego kgole, le ba bantši ba Morena Modimo wa rena a sa tlilego go ba bitša.” A le a le dumela? Fao go tlile go ba le tirelo ya kolobetšo mo nakwaneng feela.

<sup>115</sup> A re inamišeng dihlogo tša rena. Ke tla kgopela modiša a rapela ge ba sa lokišetša kolobetšo. Ke nagana gore fao go na le tirelo ya kolobetšo ye e tlogo. Ka moka gabotse. 

*Kereke Le Boemo Bja Yona*  
(*The Church And Its Condition*)  
Agosetose 5, 1956, Lamorena Mosong

*Kgoro Ke Ye E Pitlaganego*  
(*Strait Is The Gate*)  
Matšhe 1, 1959, Lamorena Mosong

*Kereke Ye E Forilwego, Ke Lefase*  
(*A Deceived Church, By The World*)  
June 28, 1959, Lamorena Mosong

Molaetša ye ka Ngwanešu William Marrion Branham, setlogong e be e abilwe ka Seisimane ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme e ngwalotšwe ka Seisimane. Ye ya North Sotho tlhathollo e ngwalotšwe gomme e phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)